

EW NAMOPUNG

A awora ukukun \$8,000 seni ewe Monienapen ewe Legislature-un ewe State an Chuuk ren fan asengesiin monien scholarship ren sukunen pekin annuk fan asengesiin Sapuro Rayphand, me pwan ren ekkoch popun.

Epwe Pung me ren ewe Legislature-un Chuuk pwe:

Tetten 1. Iei a kawor ukukun \$8,000 ika fite ukukun mei namot ren an epwe tongeni naaf, seni ewe Monienapen ewe Legislature-un ewe State an Chuuk ren fan asengesiin aninisin Sapuro Rayphand ren met a anusano ren ewe pekin sukunen annuk.

Tetten 2. Ei ukukun moni mei kawor non Tetten 1 epwe einet ika no-ngeni ewe State Director non pekin sukun ewe epwe wisen tumunu nounoun me mwokutukutun ewe moni ren an epwe chok fiti meta mei affat me non Tetten 1 ren sakkun mwokutukutun ewe moni, iwe esap pwan wor katoun me nounoun ei moni epwe nap seni ei ukukun mei kawor. Met ukukun ei moni esemwo it ne nounou ika esemwo nussuno non September 30, 1979, epwe niwin sefaan ngeni ewe Monienapen ewe Legislature-un Chuuk.

Tetten 3. Ewe State Director non Pekin Education epwe awora an report won napanapen nounoun me mwokutukutun ei moni ngeni ewe Legislature me mwen May 15, 1979, epwe affatatiw:

(1) unusan porausen nounoun ewe moni fongon me ukukun nussun mei chiwen wor non April 30, 1979; pwan

(2) met sakkun atoot ika anapanap ren ewe nussun moni esemwo nounou tori non April 30, 1979, an epwe nounou non ekkewe nimu amuchunoon maramen ewe fiscal year.

Tetten 4. Ei Namopung epwe poputa pochokunan fansoun a kapunguno me ren ewe Kepina, ika pusin winiti annuk, nge esemwo kapunguno.

Sain seni: Tadashi C. Wainit
Tadashi C. Wainit, Speaker
Legislature
Truk State Government

Annetata seni: Dattasi Albert
Dattasi Albert
Legislative Clerk/Secretary
Legislature of the State of Truk

Pwinin maram: _____

Kopunguno seni: Erhart Aten
Erhart Aten, Governor
Truk State Government

Pwinin maram: Erhart Aten